

պաշտպանութեան տեսակէտից անհրաժեշտ է համարուած՝ հայ-վրացական սահմանը դէպի հիւսիս առաջ քաշել, այն եւս՝ ոչ թէ վրացարնակ, այլ գերազանցօրէն հայարնակ Ձաւախքի մէջ: Ինչո՞ւ երկու չափ եւ երկու կշիռ: Վրացի վարիչները եթէ արդարամտութեան զգացում եւ քաղաքական հեռատեսութիւն ունենային՝ նրանք ձայն չպիտի հանէին Հայաստանի սահմանները գոնէ մինչեւ լճերի շրջանը եւ Ախալքալաք քաղաքը առաջ քաշելու: Այնքան է անրնական այսօրուան սահմանը Լենինական եւ Ախալքալաք գաւառներէ միջեւ, որ մինչեւ իսկ գրեթէ ամբողջապէս Շիրակի միջով հոսող Ախուրեան գետի ակունքները Հայաստանի այսօրուան սահմաններից դուրս են թողնուած (Ախալք. Գ.):

Բայց, ի հարկէ, ժխտելով ժխտելու է ամէն մէկ «ուղղափառական տեսակէտ», երբ խօսքը անդրկողմասեան երկիրների սահմանաբաժանման մասին է — ինչպէս ցարական, այնպէս նաեւ Խորհրդային Ռուսաստանի տիրապետութեան օրով: Ժանի որ Ձաւախքը թէ Շիրակը, Վրաստանը թէ Հայաստանը միեւնոյն պետականութեան մէջ են մտնում, ապա ուրեմն քաղաքական-«ուղղափառական սահմանները» մասին խօսելը այսօրուան պայմաններում՝ միանգամայն անտեղի է: Քանիցս ասել ենք եւ կրկնում ենք դարձեալ, որ, ինչպէս երէկ Ձեմստովային հարցում, այնպէս նաեւ այսօր, Խորհրդային ներքին-ինքնավարական պայմաններում, միայն եւ միայն խօսք լինի կարող է Անդրկովկասի վարչական նոր սահմանաբաժանումների մասին: Բազմաթիւ անդամներ են կատարուել նման սահմանաբաժանումներ, ապա ուրեմն կարող է մէկ անգամ եւս կատարուել նման սահմանաբաժանումն. միայն թէ՛ վերջինիս հիմքում չպիտի տրուին զանազան «ուղղափառական» եւ շիւ նկատումներ, այլ միայն եւ միայն՝ ցեղաբարկան-տընտեսական կրկնակ նկատումները: Բարեբախտաբար, այս վերջինները գրեթէ միշտ էլ իրար ծածկում, լրացնում են Անդրկովկասի մէջ:

Աւելին կ'ասենք: Անգամ եթէ հնարաւորութիւն ստեղծուի, որ ապագային Անդրկովկասի երկիրները վերականգնեն իրենց քաղա-

քական անկախութիւնը, նրանք դարձեալ պէտք է անտեսական եւ քաղաքական ամենատերտ կապերով կապուին իրար հետ, եթէ չեն ուզում վերստին կործանուիլ:

Ուզում եմ ասել, որ մինչեւ իսկ այդ պարագային մէկզի պիտի թողնուին «ուղղափառական» ու նման նկատումները:

LXVI

Հակառակ սակայն նրան, որ Ձաւախք պատմական եւ մտնական տնտեսական ու ցեղազգրական տեսակէտից հայկական հողամաս է ներկայացնում, այնուամենայնիւ նա Վրաստանի մէջ առնուեցաւ մենչեւիկներէ օրով՝ տաճիկների անկախութեամբ եւ «մեր մեծ դաշնակիցների» աշկարայ աջառութեամբ: Ինչ որ «Թիֆլիսի նահանգի» մէջ էր առնուած ցարերի օրով, այդ բոլոր հողամասերն էլ վրացիք համարում էին իրենց սեփականութիւնը, թէկուզ վրացու հետք չլինէր նրանցում:

Եւ սակայն կար ժամանակ, որ Ախալքալաքը վարչականօրէն Ալեքսանդրապոլի հետ էր կապուած, որպէս մէկ գաւառ, — ինչ որ շատ անելի համապատասխանում էր երկրի ու նրա բնակչութեան իրական շահերին: 1850-ական թուականների սկզբին միայն, երբ ռուսները վերջ են տալիս մինչ այն «Հայկական Շրջան» անուան տակ ծանօթ երկրամասին եւ նրա հողերի մեծ մասից կազմում են յետագայի Երեւանի նահանգը, այդ ժամանակ էլ միայն՝ Ախալքալաքը բաժանում են Ալեքսանդրապոլի գաւառից եւ պահում Թիֆլիսի նահանգում: Ու այդպէս էլ մնաց:

Երբ 1916-ին Անդրկովկասում գեմաւոյօ (գաւառական ինքնավարութիւն) մտցնելու հարցն առաջ եկաւ, այնչափ ակնյայտ էր հայութեան իրաւունքը Ախալքալաքի վերաբերմամբ, որ վրաց գեկավար կուսակցութիւնները, սոցիալ-դեմոկրատները եւ Ֆեդերալիստները, բացարձակօրէն եւ հրապարակօրէն ճանաչեցին այն: Այդ մասին կան մինչեւ իսկ դրաւոր վաւերագրեր: Միայն ծայրայեղ աջակողմեան վրացի սպառնամոլներն էին, որ ժխտում էին հայութեան արդար իրաւունքը, չարունակելով կեցած մնալ «պատմական տեսակէտի» վրայ: Կերենակիի կառավարութիւնը եւս Ձաւախքը ճանաչեց հայկական հող: